

dužan da izvede pretežit dio radova na građevini tj. izgradnju sa prvom nadzemnom stropnom konstrukcijom.

Član 10.

Troškove izrade notarske isprave, predbilježbe i upisa prava svojine u javnim evidencijama snosi kupac.

Član 11.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-4207/18
26. decembra 2018. godine
Trnovo

Predsjedavajuća
Općinskog vijeća Trnovo
Emina Mehmedagić, s. r.

Odluka objavljena na oglasnoj ploči Općine Trnovo dana 26.12.2018. godine.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 29. i 46. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), člana 46. stav (2) Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 16. sjednici, održanoj dana 26.12.2018. godine, donosi

ODLUKU

**O USVAJANJU ELABORATA TROŠKOVA UREĐENJA
GRAĐEVINSKOG ZEMLJIŠTA ZA PROSTORNI
OBUHVAAT "POSLOVNO-SPORTSKI CENTAR
TRNOVO"**

Član 1.

Usvaja se Elaborat troškova uređenja građevinskog zemljišta za prostorni obuhvat "Poslovno-sportski centar Trnovo".

Član 2.

Elaborat se sastoji od tekstualnog priloga, koji se odnosi za prostorni obuhvat "Poslovno-sportski centar Trnovo" i sastavni dio je ove odluke.

Član 3.

Ova odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01/02/4208/18
26. decembra 2018. godine
Trnovo

Predsjedavajuća
Općinskog vijeća Trnovo
Emina Mehmedagić, s. r.

Odluka objavljena na oglasnoj ploči Općine Trnovo dana 26.12.2018. godine.

Na osnovu člana 3. Zakona o komunalnim taksama ("Službene novine Kantona Sarajevo", broj 14/06 - Prečišćen tekst, 34/07, 2/08 - Ispravka, 31/12, 36/12 - Ispravka i 28/18), člana 34. Zakona o principima lokalne samouprave ("Službene novine Federacije BiH", broj 49/06), člana 24. stav 1. alineja 6. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 16. sjednici održanoj 26.12.2018. godine, donijelo je

ODLUKU

**O VISINI KOMUNALNIH TAKSA NA PODRUČJU
OPĆINE TRNOVO**

Član 1.

Ovom Odlukom utvrđuje se visina komunalnih taksa (u daljem tekstu: takse) po predmetima i uslugama na području općine Trnovo u skladu sa Zakonom o komunalnim taksama

Kantona Sarajevo i Odlukom o poslovnim zonama Općine Trnovo.

Član 2.

Područje općine Trnovo dijeli se na tri poslovne zone, i to: prva poslovna zona, druga poslovna zona i treća poslovna zona.

Prva poslovna zona obuhvata pojas definisan urbanističkim projektom "Bjelašnica I i II" skupa sa Dolinom UN, i to od nove raskrsnice i postojeće saobraćajnice na izlazu iz Babinog dola prema Grkarici pa sve do tehničke baze KJP "ZOI 84" u Štirnom dolu - Bjelašnica.

Drugu poslovnu zonu čini prostor od entitetske linije u Trnovu, lijeva i desna strana uz magistralni put M-18, širine 200 m pa sve do entitetske linije na brani Bogatići, te pojas širine 200 m sa lijeve i desne strane regionalnog puta 442-B od Grkarice (poslovni objekat Ministarstva unutrašnjih poslova Kantona Sarajevo) do spomenika na Velikom polju.

Treća poslovna zona obuhvata prostor koji nije obuhvaćen prvom i drugom poslovnom zonom.

Član 3.

Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojim se označava da određeno pravno ili fizičko lice obavlja izvjesnu djelatnost ili zanimanje na području općine Trnovo, plaća se godišnja taksa.

Taksa se plaća u iznosima i po poslovnim zonama općine Trnovo, kako slijedi:

	Djelatnost	I zona	II zona	III zona
1.	iz oblasti distribucije nafte i naftinih derivata	4.000	3.500	3.000
2.	iz oblasti proizvodnje i prerade duhana	10.000	9.000	8.000
3.	iz oblasti proizvodnje alkoholnih pića i piva	10.000	9.000	8.000
4.	iz oblasti proizvodnje bezalkoholnih pića	2.000	1.800	1.600
5.	iz oblasti telekomunikacija (sjedište)	10.000	9.000	8.000
6.	iz oblasti telekomunikacija (izdvojene lokacije van sjedišta)	2.000	1.800	1.600
7.	iz oblasti bankarstva (sjedište)	10.000	9.000	8.000
8.	iz oblasti bankarstva (izdvojene lokacije izvan sjedišta, podružnice, filijale, ekspoziture)	3.000	2.500	2.000
9.	izdvojeni bankomati i šalteri banke	500	400	300
10.	iz oblasti poštanskih usluga (sjedište)	5.000	4.500	4.000
11.	iz oblasti poštanskih usluga (izdvojene lokacije)	500	450	400
12.	iz oblasti poštanskih usluga (izdvojeni šalteri)	300	250	200
13.	iz oblasti brokerskih kuća i lizinga (sjedište)	5.000	4.500	4.000
14.	iz oblasti mikro kreditnih organizacija (sjedište)	3.000	2.750	2.500
15.	iz oblasti brokerskih kuća i lizinga (izdvojene lokacije izvan sjedišta)	1.000	900	800
16.	iz oblasti mikro kreditnih organizacija (izdvojene lokacije izvan sjedišta)	750	675	600
17.	iz oblasti osiguranja i reosiguranja i posredovanje u osiguranju i reosiguranju (sjedište)	10.000	9.000	8.000
18.	iz oblasti osiguranja i reosiguranja i posredovanje u osiguranju i reosiguranju (filijala - podružnica)	2.000	1.800	1.600
19.	iz oblasti osiguranja i reosiguranja i posredovanje u osiguranju i reosiguranju (izdvojeni šalteri)	500	450	400
20.	iz oblasti igara na sreću i to: a) lutrija, loto, sportska prognoza, TV bingo (sjedište)	15.000	14.000	13.000
	b) lutrija, loto, sportska prognoza, TV bingo (svaka druga lokacija)	2.000	1.800	1.600